

os contribuíntes que non teñan domiciliados os recibos polos conceptos sinalados, poderán facer o pago dos mesmos mediante:

- 1) Ingreso en efectivo en calquera oficina de Abanca ou Banco Sabadell en horario de atención ao público
- 2) A través de caixeiros automáticos nas devanditas entidades financeiras
- 3) A través da páxina web do Concello www.monfortedemos.es

Advertese que transcorrido o prazo de ingreso en período voluntario, as débedas serán esixidas pola vía de constrinximento, devindicarase as correspondentes recargas do período executivo, os xuros de mora, e no seu caso, as costas que se produzan.

Monforte de Lemos, 26 de xuño de 2025.- O Alcalde, P.D Decreto de data 21.06.2023, a primeira Tenente de Alcalde, Gloria María Prada Rodríguez.

R. 1950

MURAS

Anuncio

MANUEL REQUEIJO ARNEJO, ALCALDE PRESIDENTE DO CONCELLO DE MURAS (LUGO)

Tendo previsto este Alcalde Presidente ausentarse da Alcaldía desde o 3 ata o 11 de xullo de 2025, ambos inclusive.

Considerando que corresponde aos tenentes de alcalde, en canto a tales, substituír nas funcións e pola orde de nomeamento ao Alcalde, nos casos de ausencia, enfermidade ou impedimento a este para o exercicio das súas atribucións.

En virtude dos artigos 21.3 da Lei 7/1985, do 2 de abril, e artigos 44 e 47 do ROF

RESOLUCIÓN

PRIMEIRO.- DELEGAR na primeira Tenente de Alcalde dona Paula Gómez Souto a totalidade das funcións da Alcaldía desde o 3 ata o 11 de xullo de 2025, ambos inclusive.

SEGUNDO.- Comuníquese en forma legal á interesada.

TERCEIRO.- Da presente resolución darase conta ó Pleno da Corporación na primeira sesión que este celebre, notificarase persoalmente á interesada, e publicarase no Boletín Oficial da Provincia, sen prexuízo da súa efectividade dende o día seguinte ó da data da mesma.

O Alcalde

Dilixencia de Secretaría

No exercicio das funcións de fe pública que me atribúe o artigo 3.2.e) do Real Decreto 128/2018, de 16 de marzo, poño esta dilixencia para facer constar que a presente resolución foi incluída no Libro Oficial de Resolucións deste Concello na data da miña sinatura. Esta dilixencia non presupón informe xurídico favorable ou desfavorable do seu contido.

O Secretario-Interventor acctal.

Muras, 2 de xullo de 2025.- O Alcalde, Manuel Requeijo Arnejo. O Secretario accidental, José Orosa González.

R. 1951

AS NOGAIS

Anuncio

Mediante resolución de Alcaldía nº 2025-0199, do 7 de xullo de 2025, ampliouse en 2 días hábiles adicionais o prazo previsto polo artigo 5 das bases de selección e contratación de persoal laboral temporal e formación de bolsas de emprego para tres postos de condutor de vehículo motobomba, ao abeiro do convenio de colaboración suscrito coa Consellería de Medio Rural e o Concello de As Nogais para a prevención e defensa contra os incendios forestais, coas seguintes características:

Duración do Contrato: tres meses.

Prazo de presentación de solicitudes: nos tres días hábiles seguintes ao da publicación deste anuncio de convocatoria no BOP, no Rexistro Xeral do Concello en horario de 8.30 a 14.30 horas, de luns a venres e

tamén se poderán remitir na forma determinada no artigo 16.4 da Lei 39/2015 segundo o establecido nas bases.

Máis información nas bases específicas da convocatoria que poderán ser consultadas na sede electrónica do Concello (<https://concelloasnogais.sedelectronica.gal>) e no taboleiro de edictos do Concello de As Nogais.

Este proceso selectivo está exento de taxas.

As Nogais, 7 de xullo de 2025.- O Alcalde, Jesús Manuel Núñez Díaz.

R. 1955

O PÁRAMO

Anuncio

Ao non haberse presentado reclamacións durante o prazo de exposición ao público, queda automaticamente elevado a definitivo o Acordo plenario provisional de modificación da Ordenanza Fiscal Reguladora do Imposto sobre Construcións, Instalacións e Obras, cuxo texto íntegro se fai público, para o seu xeral coñecemento e en cumprimento do artigo 17.4 do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo.

Modificación da Ordenanza fiscal reguladora do Imposto de Construcións, Instalacións e Obras

Artigo 2. NATUREZA XURÍDICA E FEITO IMPOÑIBLE

O Imposto sobre Construcións, Instalacións e Obras é un tributo indirecto cuxo feito imponible está constituído pola realización, dentro do termo municipal, de calquera construción, instalación ou obra para a que se esixa obtención da correspondente licenza de obras ou urbanística, se obtivese ou non a devandita licenza, ou para a que se esixa presentación de declaración responsable ou comunicación previa, sempre que a expedición da licenza ou actividade de control corresponda ao concello da imposición.

Artigo 7. COTA TRIBUTARIA

A cota do imposto será o resultado de aplicar a base imponible o tipo de gravamen que se fixa no 2 por 100.

Artigo 10. XESTIÓN

Cando se conceda a preceptiva licenza ou cando sen solicitarse, tido concedido ou tido denegado se inicie a construción, instalación ou obra, ou se presente a declaración responsable ou a comunicación previa, practicarase unha liquidación provisional, determinándose a base imponible en función de presuposto presentado polos interesados, sempre que este tivese sido visado polo Colexio Oficial correspondente.

Noutro caso a base imponible será determinada polos técnicos municipais dacordo con custo estimado do proxecto. Finalizada a construción, instalación ou obra, e tendo en conta o custo real e efectivo desta, o Concello, mediante a oportuna comprobación administrativa, modificará a base imponible anterior practicando a correspondente liquidación definitiva, esixindo ou reintegrando ao suxeito a cantidade que corresponda.

Contra o presente Acordo, conforme ao artigo 19 do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, poderase interpor recurso contencioso-administrativo, ante a Sala do Contencioso-Administrativo do Tribunal Superior de Xustiza de Galicia con sede en Coruña, no prazo de dous meses a contar desde o día seguinte á publicación do presente anuncio, de conformidade co artigo 46 da Lei 29/1998, de 13 de xullo, da Xurisdición Contencioso-Administrativa.

O Páramo, 4 de xullo de 2025.- O Concelleiro, Benjamín García Toirán.

R. 1952